

**LURRA EMOTEA**

Sagasta'n jausi zan,  
ta a datorkit gogora,  
aren miñak bizien.  
Ez dot ezer oroi, aren itzala ezik;  
il-kutxaren barnean,  
—gau-itx antzeko nunbait—  
ixil zetzan, illik.

Aren betertz laru,  
aren odol-batuna  
begi itxi pean,  
soiñeko baltzaren isla zimur-azia...  
Dantzan zegon itzala  
aren inguru oso,  
ta egazka argia.

Lau gaztek eroien  
bidez bide, txango-sor,  
ibil neurrituan.  
Gudan, su-lubanean jausi zan gaztea,  
aberri alde emonik  
odola ta kemena,  
bizi-gar lorea.

Il-kutxaren ertza  
aio-gaitz eban lertzen  
jzuaren ortzak.  
Oiñen otsa iltegiruntz joian leunki urtuz,  
biotz-zauskada larri  
ta zentzun zalantzazko  
artean utsalduz.

Ixildu zan batez  
oin-otsen iskanbilla...,  
atea irikirik.

Lau kanako obian jarri eben gorpua,  
aberriaren alde  
jokatuz il zanaren  
gorpuzkin xeetua.

**EZ ITXARTU!**

Txindor atsegingarri, txindor neurea!  
Egun-urratzez zara zu itxarrean.

Ibilli zaitetz ego-arin basora  
eta esan: «Egizu oiur otsean».

Jo itxasora ta esan eztarri zoli:  
«Ots, itxaso, olatu irri leunean».

Jo arin kalera ta oiur angoai:  
«Esna zaitetze! Orra, eguna atean».

Astin egoak beingoz, ekin mendira,  
ta artzaiñari: «Alboka jar abesean!»

Aizearen ego-mintz igo oianera,  
ta esaiozu: «Oian, sar dardarrean!»

Zabiltz, bai, artotzara, atsedean barik,  
ta ots ari be: «Zirkin aize leunean».

Lo daukazu oillarra; jo arengana,  
ta esan: «Itxar adi! Ekin otsean!»

Or torreko ezkillara, oraindik muru;  
esaiozu: «Noiz, ezkil, zaitut otsean?»

Ikus gau-ontz nagia, zulora barik;  
esan: «I argi-zale? Ago ixillean».

Jo baratzeko lili gorri artera;  
ta esan arei: «Makur, egun aurrean!»

Baiña, arren, oi ene txindor: ez esna  
nire maitea bere lo ederrean!

Erio-lerkai batek jo t'eratsia,  
aberri aldez il zan atzo goizean.

Oro kanta-joka, ta, nire maitea  
bego lur-zaiña bere lo betikoan.

### GAU-OIUAK

Itxi da, jadanik, itzal-eun arrea...  
Ezta otsik goian,  
ez lerkirik bean;  
illuntzeko joaz «burdin-gerrikoa»  
da ausi zuzenean,  
erdiko mintzean.

Gamitz eta Fika —zuen zori txarra—,  
eun gudari datzaz  
oiu-min, iltzeaz;  
goiko mendixkatik dantzudaz, itunki,  
eztarri-ots giar,  
bizitz azken indar...

Illunaren baltza, garrasiz betea!  
Aizea yatorku  
ala gaiztoz kuin-kuin...  
Lurrari itsatsiak, eun gudari illagin.  
Etsai, i aut iguin,  
eriores aiz duin.

Ezta otsik goian, ez lerkirik bean,  
baiña eun gudari  
oiuka lurrean;  
piñudi ondoko ¡parraren ulu  
giz-gorpu artean,  
dantzari katean.

Etsai odol-gale, ¡fernu biziak  
zirimol izukoi  
iregan diraki...  
Aulik, zauritua naukak illunean;  
ez jausten baiña ni,  
miña dot ikurdi.

Goietara deiez itzaliz doaz,  
atsaren gaiñean,  
gudarien espak..  
Eun gudari zangar, eun leoi ziranak  
aitu dauz balbeak,  
ezarriz erpeak.

Ain ete apurra zuen balioa?  
Gau-garrasi batez  
oro al da amaitzen?  
Il arren, gazteak, zuen bular-sua  
betikoz ezta aitzen,  
aldiz illezkortzen.

### EORTZI BAGEA

Ene atsa, sai ozar,  
egaz ebillen azkar,  
arerioz ordi...  
Ta i or intzan gelditu,  
luzez intzan otzitu,  
luban biren erdi  
bai intzan illik jausi.